

Jekabaara



SNV
Connecting People's Capacities

Cikela ceman n'a musoman kunnafonisében

a be bo kalo o kalo

Jamana baarada la BP: 2043 Bamako (Mali)

Koɔrisene sabatili ka taanje y'an bee kunko ye

je 3 nan



Dantigelikan

San 2009 nowanburukalo tile 6, ka tā kuncé a tile 11 na, Jekabaara sebenjekulu togolmaga tun be kunnafoni-nini-sennayaala la Kolokani, Otuwale baarabolo kerenkerennen kono, walasa ka yen cikelaw taabolo kunnafoni soro koɔrisene lahala kan, ko ke somogesama ye Jekabaara kalanbagaw kanma. Taama kerenkerennen in kuncera an fe Otuwale jemaayaso yere kono, Bamako, Badalabugu kin na. Ka ta Doribugu, ka se Seriwala, fo

Koɔrisene ka to sen na

Yarangabugu, cikelaw bee darakan berebere kera nin de ye : « Mali kono bi, hali ni CMDT ni Otuwale te Mali fan bee, u sababuya la koni, Mali cikela bee bora koɔrisene nunma, ka ta Kayi, Sikaso, Segu fo Kulukoro maraw bee kono. O yere de sababu la, cogo do fe, wali ma cogo were fe, cikelaw bee natara koɔrisene fe. Ka fara o kan, kabi bi ma se, ka kono CMDT ni Otuwale je, koɔrisene matarafara Mali fan bee laada senefanw taasira fe. Awa, kabi Mali bi

ka maliya la, kero nafa yera an ka fasodenw fe sanga ni waati bee yemmasiriko la, laadasira kolabenko la, sannifeereko la. Bi, a man kan je si ma Mali jemaaw ka kero donto ye ngalamana kó ye kó to o sira kan. An ka sigi an jakora ka mafle dœnin banni ni faamuya hakili ye. Ni koɔrisene kera don do lakarifén ye, Kucala, Buguni, Fana, Kita, Sikaso, Kalifabugu, Welesebugu... cikelaw bena dije mine bolo jumen kan de !

Tumani Yalam Sidibe

Otuwale ye koɔrisene cakedaba ye

je 4 nan

CMDT jemaaba koro do walenumandon jalatigiyara Mali jemaaw fe

je 6 nan

Sumayabana keleli je nini lajeba kera Nayirobi, Keniya Ja- mana kono

je 7 nan

Ben te ko la Nizeriya ni Nizeri jamanaw dance la !

je 12 nan

"Kalan be mogɔ sɔn hakili la, nka kunnafoni be mogɔ bɔ kunpan na" Yoro Ulen Sidibe

Koɔrisene jukɔrɔmadonfen fɔlɔ ye koɔri bayelemadaw ye !



Hamidu Konate

Hali ni Mali te Afriki koɔrisene jamana bɛe tɛnkanjama ye, ka dà kan a jɔra Ezipiti jamana kɔfe o siratɛgɛ la waati bɛe, an ka sɔn a ma kɔni ko jɔdaba bà la dijɛ kɔnɔ, koɔriseneko la. Koɔrisene ye fenba yàn ka jamana kɔnɔ, Mali Jamana, ni jamanadenw, ani dijɛ koɔrisugubaw bɛe bɛ bɔ min nunma kosebɛ san o san. O de kosɔn, kabi koɔrisene kun-kangalɛyaw ye kumboli damine, kuma kunda fo wale kunda, a ko kera jamana nɛmaaw ni ja-

manadenw bɛe ka dakasunəgo-baliya kamanangankoba ye. Nka, ni mɔgɔ min hakili juru canninen don dɔɔnin, i bù ye ko Mali kɔnɔ koɔriko kun-kangalɛya te balanako ye. Mali koɔri senen bɛe bɛ kun da dijɛ koɔrisugubaw de kan, kɔkanfeereli kanma, ka dà kan ni cikelaw ka koɔrisene kun ye finidilan ni gaaridilan ye, fo ka se tapiw ma dijɛ koɔriba sene jamana bɛe kɔnɔ, Mali kɔnɔ yan, nàn ka cikelaw bɛ koɔri sɛbekɔrɔ sɔrɔ ke san o san, bayelemada ntanya koson (iziniw), o bɛe bɛ kun da feeresuguw kan dijɛ kɔnɔ. O bà to an bɛ bila koɔrisuguw lahala jini bolokan sanga ni waati bɛe. Olu sanga yelenni nà binni de bân ka jamana kɔnɔ koɔri sɔrɔlen taabolo latige ! Waati sera sa an ka wulikajɛ fanba dɔ ka ke an ka koɔri senen yerenagakɔrɔ bayelemadaw sigili ye sen kan ka caya. Mali koɔriko siniko bò de la !

Hamidu Konate

Nin kera san in kalo in na

San 1952 desanburukalo tile 17 don, de karamogɔ Seki Fanta Madi Keyita ko, Kankan Sekuba, yà ka talibedenw bɛe fara nɔgɔn kan Kankan misiriba kɔrɔ, kà dà u tulo kan kàle nà bɛ olu dɔrɔ kelen ka nɔɔrɔ tayeelen menen na ka se fo sankaba la.

O cilase dankenemayara Kaaman baju ka kotigiya kan, ko Kaaman karamogɔ Adama Jarasuba. O min faatura san 1962. Ala k'u bɛe makoto !

Hakilisenekeng

Ntura falen de bɛ cikela mɔnebɔ foro kɔnɔ, nka mɔgɔ fako saba de bɛ mɔnebɔko ke faso kɔnɔ : ka fa maaya taabolo kɔnɔ ; ka fa galabu taabolo kɔnɔ ; ka fo kojenyereye taabolo kɔnɔ !

Tumani Yalam Sidibe

Tarikuba

Dijɛ ye tarikubon ye
Ni ko min kera
O de bɛ fa.
Ni balo min fanana
O de bɛ kofɔ !
Kabi ñala ye danni jujɔn
Komayelema w de bɛ balofenw siciaya !
Ko bɛe ye danfen ye
Ka sɔrɔ fen si te silatunufen ye
Jaa ! O de ye dijɛ kɔnɔ dunya tan
Ka ke waati bɛe
Ko-nini-ka-sidɔnfen ye
Musoyako danma te,
Ceyako danma te
Nka adamadenyako bee don !
Gaasi be fara
Bonya kene lankolon na
Cogo min
Kodɔn ni kodɔnbaliya
Fand ye fan kelenpe
Nà bɔnnako ye ten, ten, fo ten !
Tarikubonko don
O yere ye Manden jeliw kan ye :
« Ni min fɔra,
O de ye keta ye
Ni min kera
O de fana bɛ taamaseereya
Waati bɛe ! waati bɛe ! waati bɛe !

Tumani Yalam Sidibe

Koɔrisene ka taaŋe sabatili y'an bee kunko ye

Koɔrisene ye cikela yiriwa senefen lakika ye, a ka dijenatige mume jetaafeerew bee be waleya a nema min waleya ko juman kadara kono. O yere ye ko ye min tijé dakenemaya kera Falaje cikekafo kono, o min tun sinsinnen don tigasene kan, tiga ni suman senebaarada « OACV » ka waati la. Bi, ka ta Kalifabugu, Mamaribugu, Torodo, Falaje, Sojebugu, Jiburula, Jisumalen, Daban, fo ka don Negela mara kono, nin bee ye koɔrisene matrafayoro ye, ka fara dugu caman werew kan, i na fo Buwala, Wolenin... i na fo kalifabugu, falaje ye Ətuwale cikemara ye min kono cikelaw bilasiralen don ani k'u kolesi kosebe Ətuwale lakolidenw na balikukalankuntigi fe.

Koɔrisene ni kɔkɔrɔdon ka kan

Ne Buwatu Konare bolo, ni Mali jamana nemaaw be ko o ko ke Malidenw ka senyerékoro sabatili kamma nafoloko, ni dunkafako ani adamadenya sankorotako la, koɔrisene ka tonsenna ka kan ka ke o walew la kolo girinba ye, ka masore a kebagaw hake caya yanga be dan Mali cikelaw sere la. Awa, koɔrisene ma sabati Mali jamana fan si fe a ma yelemako juman don min kono cikelaw ka dijenatige la. Hali nan kan duguw bu be yen minnu sen ma don koɔrisene na halibi, o ma mee folo, Kucala ni Sikaso ani San ni Buguni ni Fana cikelaw ka dijenatige be misali kunba bo o dakun na. Don do la, Ba Dirisa Kulibali, no tun ye Ətuwale balikukalankuntigiba ye, n ka na faatura, Ala ka hine a la, o deliba ka fo an ye a ni Falaje cikekafo cikela janaw ka laje do senfe Jinburula sifileforo do kono ko : « Koɔrisene ye baara ye min kebag a jenjen bololankolon te se ka bo ne si ma koɔri nafako la. Hali na kera koɔrisenenaw labenni ye jetaa jekuluw kono, u bu yere ka josiraw

soro ani k'u lakana minnu kadara kono, o bee ye ko ye mogo ka kan ki cesiri koɔrisene na minnu kanma. » Nka, fen kelenpe min kelen be ka ne dabali ba, o de ye ko sanga ni waati bee CMDT ni Ətuwale labilali kuma de be ka fo ka caya, ani ka wale ke ka caya kenyereye ka bolo kan. Nan yò kun pininkali ke, a be fo an ye waati bee ko dije koɔrisuguw binda de barika be caya ka ta fe an ka jamana koɔri ma, walima a be fo an ye ko lamerikenw ka demendenko jugu barika bonya kosoon ka nesin u ka koɔrisenenaw ma, ko an farafin jamanaw koɔrisenenaw ka koɔri te se ne si ma ka yanga soro olu ta dafe dije koɔrisugubaw kono. O koro ye ko anw ka koɔri de ye dugumasaara cebaga ye olu ta koro waati bee. Nka anw ka jamana nemaaw konna ka mun ke ka bi geleya o jesi ? Koɔrisene nafa mana dan a kókanfeere ma jamana o jamana kono, siga ta la, don do, a be dafiri ! Koɔrisene nafaba do ya nagakoro bayelemadaw ye. O joli be Mali kono yan Itema ni Komatekisi

Mali kono yan, san o san an ka jamana be koɔrinogow ni pəsəniw ani binfaga furajiw de san da gelen na dije jamana werew kono, ka na o ke an ka koɔrisenenaw kundoni ye ! Bamananw ka kɔrɔlen kuma dun don : « Mogo be bo jo la, n'ki te bo jo ne misen na ne si ma » ! Ni koɔrisene ka taaŋe nəgəw na binfaganaw ania pəsəniw sənəgo gelen dara koɔrisenenaw kun, ka fara dije koɔrisugubaw binw kan, o ba ko fegenya u bolo de, hali ka soro a matarafali dusu bu kono ! Koɔrisene dun ye baara ye Mali jamana na kənəməgəw si ka nafa te min labilali la ka ke kenyereye dama bolofen ye, kuma te Mali jamana nemaaw ma, olu minnu ba kalama ka teme bee kan ko Mali kono adamadenya taabolo hakilisi gi fanba dulonnen don koɔri de la. Bi, ka ta yelekebugu, kati mara la, ka se Doribugu, olu n'u laminiduguw, koɔrisene kuma be fan bee, fo ka don Masantola kono ani Nerekoro, fo ka taa gun Sirakorla cikekafo no danbəduguw la.



Koɔrisene de be sumansene kɔrɔdon dinka fako la !

ko ? Koɔrisene ko nəgəw ni pəsəniw ani cikeminew. Olu lalagada joli be Mali kono ? A te yen, barisa kabi Tilemusi nəgəko donna ngalama na

Tije don, koɔrisene be sifilebolo kan o yorow cikelaw bolo. Nka u fana

A ta be ne 4 nan kan

je 3 nan to

sébe bá ma dère !

Welekan

Ne bë wele lase Mali jamana kuntigi Amadu Tumani Ture nà ka goferenama ma, u kà ke cogo bëe la, hali ni kœrisene baaradaw ma jë kenyereye ka bolokanbila kó, o ka ke hakilimaya kònø min bá ko to sen na Mali kònø yan. A kana ke jë si ma i ko OACV ka tile yeelen ka sabatili don bëe dibi kònø !

N bë Jekabaara sèbenjekulu fo kosebe a ka waati bëe wulikajø la ka cikelaw kalanko juman ke kunna-foni nafamaw kan u ka dinenatigë baaraw kadara kònø. N bë Tumani Yalam Sidibe yëre fo kosebe. N'ba jini Mali jamana jëmaaw fe u kà ke cogo bëe la kœrisene kana ke koba lagosifén ye Mali kònø jë si ma.

Dinësosigi kot e wa ? Bi te kunu kofø, sini fana të bi kofø. Kunu, oACV, tile tun bëe yanga Kolokani kun na nà ka nafa dondabaw ye

Kolokanikaw kan. Bi, ka da Mali goferenama ka ka hakili jumanya kan ka bë Kolokani ciklaw ka baara galabu kan, Kolokani dira Òtuwale ma kœrisene donni na an bar ayan. Yali, kœriseneko minye niye, o bëna ke sini nafadonfenba ye i ko « OACV » tun báñ jigiya la cogo min ? O ye siniko ye, n kàn Kolokanikaw bëe ka lajiniko don !

Nin ye Buwatu Konare kan ye ka bë Falaje, a ye min fò Tumani Yalam Sidibe ye masala senfe Kolokani

Òtuwale ye kœrisene cakedaba ye

Mali jamana kònø yan, nán ko ko kœribaraa taabolo, an bë CMDT ni Òtuwale (OHVN) de kofø. CMDT sigikun bërebëre ye kœrisene ka don-dala lapini de ye, ka sérø Òtuwale kònø, kœrisene bë séné suman ni cikelaw ka nafolo sérø senefen were kan jamana kònø dunkafako sabatili kadara kònø i nà fò : fini ; bëne ; tiga ni tiganinkuru, ka fara jëw ni nje ani nakoforo, ni jiriforo ani malosene kan.

Òtuwale cakeda jëmaaya bë jepónke Isa Jire de bolo bi. Cikëkafo kònøntö de bá mara kònø :

- Bankumanan ;
- Kangaba ;
- Kati ;
- Dangasa
- Welesebugu
- Falaje
- Guwani
- Kulikoro
- Ani Sirakoréla.

Walasa ka cikelaw ka baara këko numan dënni sabati u la, ballikukalankuntigi tan ni saba de ni senekekakolidenw bù fanga fara jëgón kan a jëma ka cikelaw këlesi kalanje ni baarakalan kadara kònø. O wolora ni kœrisenaw ka koperatufu 1157 sigili la sen kan bi Òtuwale kònø. Nkò n'a ta bëe, senefan suguya bëe senebagaw fana ka jekulu 200 be yen. Fen min ye bayélémasi kœri ye, o cikëbagaw ka jekulu 14 fana bë Òtuwale kònø.

Jëdaba bë kungofenw la Òtuwale kònø

Òtuwale cikëkafo bëe kònø, kungoda jiri nafamabaw bë yen i ko : sisunw, benbensunw ; nèresunw... O kosøn, san o san, musow bù ka nafoloko makow jë u yëre nagakorø jiridenw la an'u bayélémafénw la : simo ni situlu ; nsaban... Baganmara yëre fana nà jøyørøba bë Òtuwale kònø : saga, ba, misi, fali... Fen min ye jolomafénw marali ye, kami ni se ani pizón-kònøw marali bë ke Òtuwale fan bëe.

Jëdaba bë kœrisene na Òtuwale kònø

Òtuwale ye kœri ni sumansene matarafayorø ye. Nk'ale ka kœri sérølen bëe bë latemë yerenagakorø sirafe, CMDT ma, ka masérø bayélémadaw ni kœri wurusi taabolo ani Mali kœri kékaneere yamaruya bë CMDT dörönpe de bolo. Welesebugu cikëkafo kònømögë fanba ye bamanaw de ye. Nka fulaw ni siya tòw bëe hake do fana bë yen. Nán yà laje Bankumana ni Kangaba cikëkafov kònø, an bë tå sérø ko maninkaw bë yen : Keyitaw ni Kamaraw.

San o san, cikelaw ka donba kelen da bë yëlen Òtuwale kònø, nò ye min ye dusu don cikelaw kònø ka tå fe kœrisene ni sumansene ani ballikukan, ni baarakalanw matarafako la. O cikelaw ka san o san wale boloda senfe, cikela jëna cémaw bë ye cogo min, a müsomaw fana bë ye ten. O bá

jira ko kœrisene ni sumansene matarafa siratege la, Òtuwale ka jetaa kurun te wuli mögë si kò. Hali demisenw, olu minnu sihaké sera dokesi ma, jëda bò bëe la forow kònø.

Kosa in na, san 2009 zuwenkalo la, CMDT ni Òtuwale maa jëmaaw ye jepónkyataama ke Òtuwale ni CMDT cikëkafov nà cikemaraw kònø walasa ka taa kœrisenaw kumajëgonya u yëre nagakorø nin kura donni kow jepónini kadara kònø kœrisene na. O lajekenew kan, fan bëe, cikelaw y'u kan di k'u bëna u seko bëe kee walasa Mali k'à ka sankorøta jøyørø këro sérø kœriko la Afriki kònø.

Kolokani lahala bë du Òtuwale kònø ?

Kœrisene kadara kònø, Mali goferenama ye Kolokani kalifa Òtuwale ma. O kun ye ka nafolo sérø senefen di Kolokanikaw ma, olu minnu tun banbannen don suman ni tigasene kan Operasón arasidi waati la. Bi, hali ni kœri ma ladala senefenw nörébila Kolokani, kà tå Yelekebugu fo Nosønbugu ani Doribugu fo ka don Masantola kònø, kœri sannifeere baaraw kònø bë sigi sen kan yen san o san, ka baarasan kunce. Ji bë don kò la dëönin dëönin de. O bá to an bë dà la ko Kolokani mara kérénkerénen bë se ka ke san dë nata kœrisenadagaba ye, i ko Falaje ; Kati ; Kulikoro ; Sirakoréla ; Guwani ; Welesebugu ; Bankumana, ani Kangaba. Ala ko ke Mali kònø kœrisene ka jetaa kosøn, cikelaw ka senyerékorø siratege la.

Tumani Yalam Sidibe

“Wasipu” (WACIP) baarabolo lahala Ətuwale kənə

« Wasipu » baarabolo sigira sen kan 2008-2009 baarasan de la walasa ka nin kura don kəorisenew galabu n'u ka sərəko siratege la, ni baarakfeere dənni dili ye u ma, o min b'a to u b'u ka kəorisene k'a jəma, k'a tənə bo.

« Wasipu » baarabolo waleyali b'a san filanan de la bi. A baara b'e ka waleya Mali kəorisene taabolo baarada, CMDT, fe, ani Ətuwale, (OHVN), fe.

O cakeda fila kelen kelen b'ee b'e « Wasipu » baarabolo labaara a ka maradugu kənə. Ətuwale maradaga kənə, « Wasipu » baarabolo baaraw b'e waleyala cikekafo duuru de kənə, minnu ye Welesebugu ; Guwani ; Dangasa ; Kangaba ; ni Bankumana ye. Lakəliden sigida hake də jənatəmanen don cikekafo duuru ninnu kelen kelen b'ee kənə.

* Welesebugu	6
* Dangasa	5
* Kangaba	3
* Bankumana	3
* Guwani	52

O b'e ben lakəliden sigida 21 de ma.

« Wasipu » baarabolo in b'a lapini de kəorisenew ka kalan walasa ka sərə juman ke. Kalanw kəgafew labennen kə jənəgən b'ee fe jənəgən fe, « Wasipu », « IFDC » (Faransi kəorisene baarada) ; CMDT ani Ətuwale, kalan in kələsibagaw, n'o ye lakəlidenw ye, olu fana lafaamuya kalanbulonw bonda yelenna OHVN kənə. O lafaamuya kalanbulonw kera kəorisene baara taabolo yiriwabolo danmadəw kan :

- kəoriforo furakeli ;
- sənefənw cikewati ;
- farafinəgə dilanni n'a labaarr-

ali :

- furakeli masinw labaarcogo.

Nin de siratege la, karaməgo fila bəra Ətuwale kənə, ka taa fara CMDT taw kan, walasa ka faamuyakalan in ke. O faamuyakalan in de kofs, olu fana ye Ətuwale lakəliden sugandilen məgə 21 kalansen waleya, ka fara kələsibaga məgə 2 kan. Welesebugu cikekafo kənə, k'a ta san 2009 utikalo tile 3 ka se a tile 6 ma, kalan in kera yenkaw kun. Lakəliden kalannen ninnu fana ye cikelaw kun. Lakəliden kalannen ninnu fana ye cikelaw ka kalansenw sigi sen kan taa-maseere forow kənə, kalan kelen ninnu kadara kənə. Tamaseereforo ye foro ye, « Wasipu » baarabolo cikeferew b'ee b'e waleyala foro min kənə. Taamaseereforo 42 de b'e Ətuwale kənə : kəoriforo 21 ani kabaforo 21. Salon baarasan na, kəori dərən de tun b'e don taamaseereforo dakun na. Nka jinan baarasan na, kaba taamaseereforo fana farala a kan Ətuwale kənə.

Ətuwale kənə « Wasipu » baarabolo kalan in ye cikelaw məgə 2625 de lasərə. O kərə ye ko jinanta təməna Ətuwale kənə salonta kan ni cikelaw məgə 750 de ye.

I n'a fə an y'a fə cogo min na, « Wasipu » kalan kera cikelaw kun Ətuwale kənə lakəlidenw de fe. Cikelaw 125 de tun b'a kelen kelen b'ee ka kalanso kənə. Cikelaw minnu sen ma ye kalansen ninnu na, kalanbolo kerekərennen kera olu kun.

Walasa ka cikelaw ladənniya kosebe « Wasipu » baarabolo baarakfeerew dənni na, Ətuwale y'a ka lakəlidenw b'ee wuli k'u jə u sen

kan siratege b'ee kadara kənə. O de y'a to fan b'ee, kalanw kələsibagaw ani lakəlidenw ye Ətuwale kənə. O y'a to cikelaw ka faamuya sərə u ka sifileforow labaarcogo la. Taamaseereforo ninnu nunjuru b'ee cikelə minnu bolo, olu ye məgəw ni pəsəniw sərə gansan ka don u ka forow la. Walasa ka faamuyaba sərə halibi u ka kalan sərəlen kadara kənə, taamaseereforotigiw ye dənni falen falen taabo jəgənnaw ke ka jəsin jəgən ma. O kera lakəlidenw ka kələsili kənə.

« Wasipu » baarabolo kalanbolo in bolodako b'e ka k'a jəma Ətuwale kənə, cikelaw ni lakəlidenw b'ee ka nisəndiya kənə. O b'a to an b'ee b'e sigi ka kəori sərəko juman makənən jinan. O de dun ye ko nafama ye kəorisene ka senkurasərə la Mali kənə. O ka kan k'a to wulikajəw ka sabati ka taa a fe walasa Mali k'a jəyərəba kənə hake sərə kəorisene dakun na Afriki kənə. Bi bi in na, a ka kan kəribara tigilaməgə b'ee k'o k'u ka lapini ye Mali kənə.

An k'a dən k'a te san caman bə fələ, Mali de tun b'e kəori sərəba jamana fələya la Afriki kənə. Nka bi, ka da ko caman kan, i n'a fə dijə kəorisuguw da binko jugu, an bəra o jəyərə la, hali n'n b'e Afriki kəorisene jamanabaw sərə la. A kafisa bi an k'o k'an kunko ye. An k'a dən fana ko kəorinafolo jəda barika ka bon kəsəbe Mali jamana ka nafolo sərədaw la.

Nin hakilina in sərəla an fe
« Le Republicain »

kunnafoniseben bəko 2981
kənə, Dawuda Kubali ka lase.

A ladilanbagə
bamanankan na
Tumani Yalam Sidibe

CMDT nemaaba koro do walejumandon jalatigiyara Mali nemaaw fe

Ka dà ka san caman baara jumanw kan a ye min jésin Mali jamaana ka jetaasiraw ma kōrisené siratege la, Berinari Zaken, nò ye CMDT nemaaw koro do ye, walejumandon jala dirò ma san 2009 òkutoburukalo tile 27, Mali nemaaw fe. Berinari Zaken ka walejumandon-jaladi in kera sénèko minisiriso la minisiri Agatamu Agi Alasani fe. A kera CMDT nemaaba Cenan Kulibali jena ani jala sérèbaga yere terilakaw nà kokejogonw. Berinari Zaken jeyoré bonyara kosebè Mali kono kōrisené ka jetaa la jinisiraw jeyali la, ani Mali kōrisenaw ka baara faamu

walew. An be Mali sénèko minisiri ka wale in foli ke kosebè, ani kà jini san nataw kono, jala in dili ka caya ka jésin kōri ni sénèfen tòw bee cike don barikalabagaw ma, cikela kunda ani cikéyiriwa baarada kunda.

Berinari Zaken tun ye CMDT nemaaba ka dankan de ye fo ka taa se a ka lasigili waati in ma. Ale tun be Faransi kōrisené baarada de tègò la, o min ye Mali kōrisené taabolo je nögón cakedaba fôlo ye.

An ye nin hakilina soro « L'Indépendant » kunnafonisébfn boko 2324 kono.

Tumani Yalam Sidibe

Welesebugu kōri wurusi dabalida lahala

A be baarasan fila bo sisan Welesebugu kōri wurusi dabalida min tun ka sigisenkan kera jigiyakoba ye. Welesebugukaw bolo, o te ka labaara. O de sirafe, an ni karamogó Zanga Suleymani Banba ka masala senfe, an ka kōnejini bora a ko kan. A ye min fo an ye o ke file : « San fila kosa in na, kōrisené tun labilara Welesebuguka fanba fe. Kōri wurusi dabalida dun sigilen be kōrihake sörolen de wurusili nà lalagali kanma. Ni kōrisene ma ke, dabalida baarako kuma te fo dère ! O bee de ka kan ka na ni Welesebugu cikelaw banbanni ye kōrisené kan kokura. Ni kōri wurusi dabadalida nafa fôlo ye sigida kono kōri sörolen wurusili ye, a nafaba were ye baara dili ye sigida kôn-

omogéw ma. Dabalida kono baara saratako bo la, a dafe jago misen tigilamogéw fana bo la. Ni dabalida ma baara ke, nin kofolen bee de kēbagaw baarantan be to. O te ko were kofe sigida kònemogéw ka nafoloko geleya kó.

Welesebugukaw ka kan kà dòn ko dabalida söroli an dafe, kò ye kunnadiya de yan bee ma, a man kan cogo si la an ka dese min koro. An kà dòn ko kōrisené mana don barika la an fe, o bâ to an kàn ka kōri feere, kò wari mine. O bâ to fana an ka kōri wurusi dabalida in be kân ka denmisew ka baara keyoré ye, u b'u yere nafa min sarawari la, ani kân ka duw nafa musakako la.

Tumani Yalam Sidibe

U ko...

Ni ce o ce ko i ma ko : « N be sa nin don in ! » Wuli ka bâ o tigi koro, barisa doma don ! Nka, ni ce o ce te se kà fo ko : « Nin ko in kédon ye ne sadon ye ! » Tige o tigi la, dusukuntan don !

Hamidu Jara
Arajo « Kledu » komajogala
dô - Bamako

Ni ye jokala binneñ ye duguma, feere ke i kô lawuli, laala o bî balo don dô ! Ni ye adamaden jugu binneñ ye duguma, nî yô lawuli, a ka ca la, o bî naasiba !

Maki Tali
Arajo « Liberte » komajogala
dô - Bamako

Ce sen be kari, o be tugun ; ce bolo be kari, o be tugun ; nka ce galabu mana kari, o te tugun dare nò yere ma ke ce ka adamadenya lagosi kan !

« Malen Jara » maana bo baga
Tahury Banbera


Ko « ni duntulu banna, gêre be ke muntulu la ! » O ye tijé ye mögö hakilintan dörönpe de bolo, nontë, mögö haklima bolo, fen bee ka kan ka sabati a sila tunubaliya de kan, walasa kâ nafada bali ka nœrëbila nò nögömoyoré fen ye ! » Dinenatige kun bërebëre yere yô de ye !

Seriba Mulayi Jara
ka bo Mañanbugu kin na,
Bamako

An kân tile ke dijenatige la, an kân tile ke, dijé yere ye sangâ ye ! Mögö be nögönfe dijenatige sira bee kan, nk'u ma nögón dòn !

Aramata Jakite
Wasolon dökkilidamuso dô
min factura san 2009
òkutoburukalo tile 31
Wagadugu

Sumayabana keleri nejini lajeba kera Nayirobi, Keniya Jamana kono



Sumayabana man jugu bana ye, bana bee be yeretangakun bo !

Kà ta san 2009 nowanburukalo tile 2 la ka tâ kuncé a tile 8 don, dijé jamanaw bee ka keneyako nejini tigilamogow tun be lajeba la Nayirobi, nò ye Keniya jamana fagaba ye. Lajeba in tun be kunben fura jenjén sôrécogo nejinifeere de kan. Dijé kono, san o san, sumayabana be ke mögo miliyon bi saba ni kô de ka saya sababu ye. Nân yere yan kun sin Afriki gun ma, an bâ sôrô ko sumayabana de kasaara ka bon yen kosebe ka teme sidabanâ ni bana tòw bee kan. Nka, hali bi, kunbenfura jenjén te sumayabana na dijé fan si, min be farikolo lajo ka dondaw sogo sumaya banakisew je ! O de yâ ke dijé kono keneyako tònba, « OMS » ka kunkorobana girin ye hali bi i ko Sidabana. Mali kono yan, sumayabana de jôda ka

bon adamadenw ka faatuli sababu banaw la kosebe, kerékerenneny la denmisenw : kono, farigan, ... olu bee ye sumayabana taabolow ye minnu kasaaraw ka bon kosebe denmisenw kan.

Sumayabana jujén ye sosomuso « anofeli » de ye. Sosow dun kelen bâ'n sigi nögénw ye bi an ka dijenatige temesiraw bee fe. Fen min yan sibonw kônôna ye, Maliden jama fanba de be siko juguya sôrô su o su ka da sosow ka caya, u cinda juguw an'u faga fura jenjénw ntanya kan. Fôlo, sosow tun ye funtenimafenw de yan bara yan. Nka bi, ka da sosow dagayôrôw caya kan an sibonw kono, an ka duw kono anan ka duguw ferebakew kono, sosow bân dafe caya hake la waati bee : tilema, samiye, funteni, nene...

Sumayabana dun be furake dere !

Tubabufura kunda fara ladala-fura kunda kan, sumayabana fura jenjén be yen dere. Nkà be sôrô bi, o furaw de dônbaga jenjénw dôgoyalen be, walima sumayabana banakisew yan k'ulefuraw kôrôw kufanga de sôrô !

Keniya lajeba ka lapiniw

Dijé mume kono bi, i nà fô an yâ fô cogo min na sanfe, sumayabana kasaaraw ka bon kosebe, awa fura jenjénko fana bâ la. O de kanma, bee hakili bâ la ko waati surun kono Keniya lajeba in kôfe, kunbenfura jenjén bêna bila keneya tiglamogow bolokoro sumayabana juguya la. O te ko nesorobali ye. Ko nesorobali yere te adamaden sebedonnyerekoma si la dijenatige kono : Ala ka sumayabana kunbenfura jenjénw lasorâli hakili numan di dijé keneya ka sabati nejinini tigilamogow ma dijé jama bee ka baloko numan koson.

Jantonyerela de korko ka ji !


A kafisa an bee kâ dône k'an ninyerô hake be sumayabana silatununi walew keli la. Tine don, furako ye dôgotorow ni ladala-furabôla jenjénw kunkanko ye, nka, ka sosow kèle, k'û silatunu an ka sigidaw kono, o yan bee seko ye. An dun bee kelen kelenna ka wulikajo kunba de ka kan ka kô ye ka dâ kan o de yan nân ka denbaya, anan ka sigidaw ka dijenatige lafiya bajuba ye !

Tumani Yalam Sidibe

Kalan sinsingafew be fasokanw na Jamana baarada la

Kalan sabatifen ye kalanden jolenw ka gafew ye, kalansow kôfe. Ni waati be kalannije ni jatekalan na, kalan sôrolen daamu dabaa bâdaa sôrôfe ye adamadenya taabolo gafew ye. O caman be Jamana baarada gafe-feeereyoro la. « Oroman », nakobaara nedongafe, kôrolenkow jîni ka dône gafew. O dôw file ninnu ye : Karamogo demenan, Maben 1, 2,

N'aw mako b'u la, aw b'aw sen fo ka jamana baarada segere ani jamana ka sebenfeereyoro tòw Bamako ani Mali mara werew kono.



Welesebugu ye Ətuwale cikekafoye



Koərisene ni sumansene de be jəgən dafa Ətuwale kənə.

Jekabaara ka san 2009 Əkutəburukalo boko kənə, an ye kunnafoniw lase aw ma CMDT cikemara də kan, nō ye Buguni ye. O kera CMDT cikemara were ta kəfe miñ ye Sikasso ye. Walasa ka Mali koəriseneninw bə jəgən lahalalaka alama a jəma, an y'an sensen ka Ətuwale cikekafo də fana səgərə, nō ye Welesebugu ye. Yen an kubənbaga nən ku-

manjəgənyabaga kəra cikəlafokuntigi ye, nō ye karaməgə Zanga Suleyimani Banba ye. Banbake nən ka kumajəgənya senfə, a kərəsigibagaw tun yə ka cakəlaməgə fila ye, n'olu ye Welesebugu balikukalankuntigi ni cikemara baara ketaw kiiməbaga ye. Karaməgə Banba ye min fə an ye a ka cikekafo lahalaw kan, olu file :

Ne be Welesebugu cikemara kunna kabi san 2006. Kabi san 1992, n ye cikekafokuntigiya matarafa Ətuwale kənə. N yō ke fo san 2000. O san na, n bəra ka taa kalan were bulon kənə. O bə jira ko n te dunan ye Ətuwale kolə.

Welesebugu cikekafo taabolo

Welesebugu ni CMDT mara be danbə worodugu fe, ni kelyadugu ye. Kərənyanfan fe, Welesebugu ni Guwani cikekafo be danbə, nō ye Ətuwale cikekafo ye.


Bayanfan fe, an ni Bamako be danbə nən ka dugu laban ye min ye Banankərə ye. Tilebinyanfanfe, an ni Dangasa cikekafo be danbə Ətuwale mara kənə. Kopératifu 126 de be Welesebugu cikekafo kənə.

Bibi in na, an be se kə fə ko koərisene be ka nin kura ta Welesebugu cikekafo kənə. Nəntə, san fila temenin in na, koərisene soololosaalara Welesebugu. O yere te Welesebugu cikekafo danma ko ye Mali bəs de lalaha tun yō ye. Walasa ka ninkura don koərisene taabolo la Welesebugu, maaba dəw nana jəgənye ke Welesebugu yan samiye donwaati la, ni n ma fili zuwenkalo la. Məgə o məgə dahirime be koəriko la, olu jamakulu jəməgəw bəs de ye jəgən sərə yan, ka fara senekelaw yere kan, ka hakili falen ke koərisene ka nin-kurasərə feəre tigetaw kan. Kabi o lajeba kunnafoniw sera jama ma an be se kə fə kərə məgəw ka galabu kuratigiya sabatu ye koərisene kadara kənə. Hali ni geleya bəs ma ban folə, ni məgə min kəni ye jinan koərisene taabolo sanga salon ta ma, i bə ye ko a be jətaabolo kan.

« Koən solideri » kunkan geleyaw

An kə dən ko geleya be « koən solideriko » la halibi. Nkə nə ta bəs, « koən solideri » kəni te se ka bila jə si ma. An kəni be se kə jini ka yelema don a lahalalə. Nə fərə kō juru sərəli be dulon du

A tə be jənan kan



Zanga Suleymani Banba.



Nakobaara ...


walima foro bilali la garanti ye, o ye ko ye min nesorø ka gelen « bùrusi » kònø yan ! Nka, sigikafo de bëna ni sababu juman ye dijeko gelyakow bee la. An be don min na i ko bi, mògø be se kà fò ko hali ni « kocón solidériko » gelyea bee ma ban fòlø; caman kònø bëra a fanga la, ka da hakilijagabøw kan mògøw sigira ka minnu ke kœrisenewaw ni senekebaardaw mògøw ye. Fijø foyi ma don an ni bankiw cèko la ka dà kan, njogonfaamuya kònø, kœrisenewaw ka netaabara fèn o fèn musakaseben be teme an ka sira fe ka se bankiw ma u bò musaka bo ! Dijø ko be ye faamuya hakeko ye. Ni mògø ka faamuya hake ma se seleke min ma, n'i ko a ka baara keta ka se yen, a ka cà la taa bee ke ka njogon to. Ni an bee dun ye baara ke ka dan njogon ka ko faamuya lahala la, a ka cà la, bee bâ sako sørø : Kœrisenewaw, bankiw, senekebaardaw. Mògø si te jiginyørø sørø njogon na. Ko in na gelyayørø ye min ye, o ye senekelaw fanfela de ye ! Ni njogoya donna cikelaw kunkangelyaw la ka ban, a ka ca

Ala fe njogoya be don mògø tòw ta la !

Kœrisenewaw ka kenyereye ka bolokan bilako be di ?

An be se k'a fò kœrisenewaw ka kenyereye

kœrisenewaw ka kenyereye ka bolokanbilako ye » Gelyea de bëna ni gelyea ye. Ni gelyea nana, a latemebaaraw de fana be waley. Nka, dijø gelyakò bee fo an ka taa n'a ye dœoni dœnin de walasa ka latemefeerè jønjøn sørø a la dø ! N'a fôra ko k'an ka senekebaardaw bila kenyereye ka bolo kan, nò kenyereye ma ke mògø ladiriw ye, ani setigiw, ani mògø minnu ka lajini ye heretilali ye u ni cikelaw ce, nòlu kera mògøw de ye minnu je b'u yera danma dørønpe de ka here la, Unh ! O bâ ke don dø geleaba sørø ye døre ! Kabi Mali dun yà yeremahoronya sørø ka se bi ma, an mà ye fòlø ko faso baarada dø bilara kenyereye ka bolo kan, ka je sørø o kadara kònø. An mò ye fòlø ! O bân jünankunbò døre kœrisenedun ye Mali jama fanba



... Ni baganmara fana jøda ka bon Welesebugukaw bolo.

ka bolokanbilako la ko « kobee bâ tuma fe ». Ni ko min waati sera, o de be ke. Nøntø, anwsi ka lajini te

de ka dijenatige baara ye, min

A to be je ionan kan

Jie 9 nan to

damine n'a laban bëe ye nankankoye. Koëriko te taa wari kô. Ko mëgo kase ka sôrë faso Mali yere kô, min be se kô bëe kôron, k'o bëe k'a jëma, ko senekelaw'ku sako sôrë, ne jë tò kenyereye tigilamëgo la dere ! N ma fo kô mëgo te yen de. Nka, n ko jë tâ la de. Ka cakeda ninnu to buruka bolo kan, gôferenama ka dëmë ma këtige la abada. Nkô dëmë këtigebali n'a to ta, geleya be koërisene kadara kôno. Yali kenyereye jumën bëna sekä gôferenama jëda fa koërisene baaradaw tigiya kadara kôno ? Ni kenyereye dun ma se ka gôferenama jëda fa, o kôro o ye kân be bë koërisene geleya la ka don a tijeni daga la, nô yà silatununi ye. Ne Banba ka faamuya la, n jë te kenyereye la nin bëna se Mali kôrriko doni kôno, ka cikelaw lawasa a jëma. Ne jë tò tigilamëgo la.

Balikukalanko lahala

Hali ni balikukalan kô karilen be dëonin bi Welesebugu cikekafo kôno, an ka koperatifuw koni be baara ke n'a ye. Ni n ko a ko karilen be bi dëonin, o ye ko an tun delilen be min na, nô ye balikukalansow ni balikukalandenw yeli ye duguw bëe kôno, o de te belen. A ka gelen i ka dugu tan ta, i be tò jëgën kelen sôrë min sëre kôno ? Foyi dun te jë sôrë kalan kô bi. An kana jëgën nëgen ! N'i ko sene, i ko kalan. I ko mëoni, i ko baara fen o fen, i ko kalan. Kalan de sababu la an ka duguw bora « Awéya » la ka ke koperatiw ye. Kalan de sababu la duguw bâ dòn ko koëri sene waati ye nin ye ; a

baara be ke nin cogo la, o bëe ye kalanfen de ye ! Kaba ni malo ani senefenw bëe ta bô cogo la, ka se pësoni doncogo n'a donwaati ma, akaja fo ka taa se mëgo nafabaara werew yere ma min ni sene te kelen ye. Baganmara yô dë ye, ani jetaabaara caman were. Nin bëe ye kalafan ye. O la, kalanko man kan' ka kë bolokëfefen bilakoyan bolo belen ! An ka kan kân yere di kalan ma su ni tile, sanga ni waati bëe ! Ni an ka balikukalan karamëgo minnu si rëkérëbayara, k'u te se ka karamëgoya minen fa belen, an kôlu mafalen ni balikukalanden joolen denmisénw ye. Fen bëe ka kan ka bin an bolo, nka balikukalan man kan ka bin, ka masorë, nô binna an bolo dërën, geleya de bô la !

Hakew

San 2009/2010 baarasan sôrë keta bolodalen tun y'an bolo tari 3655 de ye. Nkô bëe ma se ka sôrë an fe. An ka koëri sene tari hake danna tari 2149 de ma. O dajigin bora samiñë damine geleya de la. Samiñë damine geleya këra sababu ye siran kâ to senekela dëw ka bë koëriko la, ani kâ to dëw ka caman bô u ka kene sene hake la. Tari 2149 cikelen an fe, an sigilen don ni koëri toni 1869 sôrëli yô la. Dabada 963 minnu be Welesebugu cikekafo kôno yan, olu de ka koëri tari hake ye nin ye ! Koperatifu 126 de be Welesebugu.

Welesebugu sigibaga jama mëgo kuru hake ye mëgo 75784 ye : ce ni muso. Ce hake yô jate la mëgo 35361 ye, ka muso hake ke mëgo 4423 ye.

Welesebugu senekeminenw lahala

- Dabanya : 3382
- Firilan : 3070
- Dannikemasin : 2855
- Wotoro : 1249

Welesebugu senekefan tòw

Welesebugu sigilen te koërisene danma kan : kaba ni malo ani tiga ni fini ani sajë fana be sene a jëma an bar ayan. Ka fara senefen koflen ninnu kan jiriforo fana be wari lase an ka senekelaw ma : lenburuforo, namasaforo, nakëba raw. Fen min ye nakëfenw ye, ce bô ke cogo min, muso fana bâ ke ten. An be don min na i ko bi, nakëbaara be nafaba de lase Welesebugukaw ma : duntaw be bë nakëfenw la, ani ka caman feere kô wari ke ka musaka caman dalafa. Tamati, su salati, gan kene, pëmutë... Olu be cike ani k'u nafa ye.

Nân donna wula kôno, si be yen min be tôno ; nsaban be ye ; ... Hali jegemarayorëw bân fe yan minnu kôno jegew be du ka dunka boa ni a feeretaw du musakaw kanma. Baganmara siratge la, an ka senekelaw be be dëonindëonin kô la. Misiw ni sagaw ani baw bân bar ayan. So kelen kelen fana bâ fe yan, hali nô hake man ca. Faliw be yen. An be baara ke nô ye. Se ni kami ani tònkononw be yen. Densmisénw dëw be sonsanmara ke. « Pizan kônew » fana be ye.

Nin ye Welesebugu cikekafo kuntigi Zanga Suleymani Banba kan ye a ni Tumani Yalam Sidibe ka kumanjëgonya kôno.

Peresidan Bilezi Kənpawore ye Laginekaw kumajəgɔ̃nya



Peresidan Bilezi Kənpawore, Afriki kélé ban ŋana.

Taratadon, san 2009 nowanburukalo tile 3, ka se a tile 5 ma, Burukina Faso jamanakuntigi Bilezi Kənpawore ye Lagine politiki nəmaaw bisimila kumajəgɔ̃nya kadara kənə, ka kən kapitəni Musa Dadisi Kamara kərefeməgəwne. Peresidan Bilezi Kənpawore ni Laginekaw ka kumajəgɔ̃nya tun bədon cələben de kadara kənə, san 2009 setanburukalo tile 28 fitinəba kəfə, məgə caman bənera u nin na min senfə, ani ka məgə caman səbekərə jogin. Hakililakigin na, an bə fə kə kasaara fitinə ye məgəw lasərə Lagine ntolatankeneba de kuru kənə, u tun taalen bə fanga sinatənw ka wele jaabi yərə min.

Peresidan Bilezi Kənpawore ka fə la, Lagine kənə fitinə in tə se ka minə kun wəre bolo kan « badenkəle » kə, o min bə se ka sisi, nka nà te menen abada ! »

Taratadon, ka Lagine politiki nəmaaw t'u ka kumajəgɔ̃nya kənə kan Burukina Faso, kapitəni Musa Dadisi Kamara ye lase ke sufə Lagine arajo nà telewison na, a yà jira Laginekaw la min kənə ko : « Lagine fitinə ye laginekaw de

kunkanko ye. Awa, dalasabaga were fana tə là Laginekaw yere ka fasokanu hakilina kə, o min bə to u bə dusu bila hakili kəfə Lagine faso n'a kənə ja ma ka həre la jini kosən ». Nkə waati kelen na, Lagine politiki nəmaaw yà jira Burukina Faso, kob en tə ko si la Musa Dadisi Kamara ka fangabilə kə, a ka jekulu « CNDD » cili, ani nəmaa werew sigili furancə lafangə kun na

sanni san 2010 zanwuyekalo peresidan sugandi kalafili ce ! Hali ka nəsin Musa Dadisi ka welekun ma, politiki nəmaaw ko kə te kuma kura ye Musa Dadisi Kamara da, nka, kə ka kan kə dən ko Lagine jamanca ka nafa bə ka fangabilə de la bi nà toli ye fanga kun na.


An kə dən ko fitinəba in kunkanko la, Afriki jamanaw lajetənbə (UA) ; CEDEA ; dijə jamanaw kafotənbə (ONU), olu bəe ye pəngibolo da Lagine fangatigiw kan.

Awa, (ONU) nəmaaba : Banni Ki Məni fana ye ko səgesəge jekulu kun da Lagine kan walasa kə sidən san 2009 setanburukalo tile 28 sababu bəra məgə minnu na.

Tumani Yalam Sidibe

Kələsili :


Nan ko « politiki nəmaaw » ; en kan bə jamakulu saba de ma : politikitənw nəmaaw ; sendika nəmaaw ; fasokanunci gansanw. A bə fə o jamakulu de ma ko « forusu wiwu » (fanga sinamatənw). Bəko nata kənə, an bə na Laginekaw ni Peresidan Bilezi Kənpawore ka nəgɔ̃nye taafanbo-lo təw kunnafoni lase aw ma.



Musa Dadisi Kamara, Lagine bi fangakuntigi.

Ben te ko la Nizeriya ni Nizeri jamanaw dance la !

Kabi san 2009 nowanburukalo tile 4, donitamobilaw ka taaka-segin lajora Nizeri ni Nizeriya jamanaw dance la. Nizeri jamanaw ye jamana ye min ka soro du-lonnen don Nizeriya jamanaw na kosebe jagosira bee fe. Yali Nizeriyakaw ta fe nin ye ka Nizeri jamanakuntigi jangi a ka banbaganciya welew la ka jesin



CEDEAO jamanaw ka lajini ma a fe, olu minnu ko a ka ye a ka jama-na depitebulon ciko jugu min ke, ani ka depite sugandi kalafili kura weleya yen, ka kó bolo ka ?

A jaabi be waati nataw bolo. Jamananin kelen koni te ne soro ko la ne si ma dafe jamanaw bee ka mabona kono !

Tumani Yalam Sidibe

Mali jamanaw sigidaw labencogo

Mali ye jamanaba ye Afriki kono, ker enkerenneny la Afriki tilebinyanfanbolo kan. A sigida ferekene haké ye bametere 1 204 000 ye. A konojama mogé hake ka ca kosebe mogé miliyon tan ni fila ye. Olu ye bamanaw, fulaw, marakaw, bobew, burudamew ni surakaw, kaadew, maninkaw ni mijankaw ani senufow ni koreborow ye. Bamako yà danma maraduguba ye « disitiriki » kafo-maraba seegin be Mali jamanaw tilayorow latige. Olu ye : Kayi mara, Kulikoro mara, Sikaso mara, Segu mara, Mèti mara, Gawo mara, Tumutu mara, Kidali mara ye. Awa, nin sigida bee na ka jama siya lakodonnen don. O de kanma, n'i ko fulaw, jemanya siratege la, i be Mèti mara kofo. Nka finmanya la, i be Wasolon ni Birigo sigidaw kofo. Ni kaadew faso ye Mèti mara ye fana, maninkaw koni be Kangaba ni Bankumana maraw kofo kosebe, ka don Sibi kono ani Kangaba bakoduguw kono, ka soro Kita kafo fanba fana be jate. Ni kasonkaw faso ye Kayi mara ye, i ka don ko bamanan be Segu mara ni Kulikoro mara kofo kosebe. Ni mijankaw sindi be Sikaso mara kono (Kucala), Sikso mara fanba ko be to senufow bolo, hali ni fulaw ni siya werew fana b'u taabolo soro a kono. Marakaw be Kayi ni Kulikoro

maraw kono, nka Gawo ye koreborow faso ye. Tumutu ye koreborow ni burudamew ka sigida lakodonnen ye, i na fo Kidali.

Mali ye sené ni jago ani bagamara ni mènni jamanaw ye

Djenatige waati bee kono, Mali kera seneké jamanaba ye, min kono jama fanba danbe sinsinna o baara kan. Senemasaya de kera waati bee fadenyasira ye o jamakulu mogow ni jogon ce. Awa, a ka ca la, an bara dènkili koreba lakodonnen camant un sinsinen don o baara dusudon de kan fasodenw kono : Yalonba Trawele, Koni Kumare, Kèlemasa Jabate, Siramori Jabate, Ngusunbala Maramu Trawele. Olu n'u jogonna caman were, bee ka dènkiliw tun be cebaw ni musobaw koko don kosebe forow kono. Fen min ye Malidenw ka jagosirako ye, ka kón hali tubabutile ne, Koni Kumare ka « balawulen » dènkili ban faranfasiya o la kosebe, o min tun be worojulaw bilasirako juman ke Mali ni worodugu ce, n'an kò ma bi ko « Kèdewari jamanaw ». O yere de koson, « kolon » siladon dènkiliw ye dènkilidala jana lakodon yan. O do ye Safura Denon ye. Mali jamanaw waati bee ko darajako kera jago ye, kabi bolofen komafalen-waati jogon bolofenw la, fo ka se bolofen kunmafalen waati ma wari

la, o min be sen na hali bi. Mali kera sanga ni waati bee worojulabaw, ni kogojulabaw, ani fini julabaw lakodon jamanaw ye.

Nan yan kunsin mènni taabolo ma, an be ta soro kó ye bozoko lakodonnen ye, o koni be waleya sigida bee kònémögow fe, minnu latemenen don babolow ni kèbèlow fe. Nka, k'a ke sigida mumè lakodonfen ye, an bo jate ta Mèti, Kangaba, Selenge ani Gawo kan. Mènni koni ba ka mogé hake jesumataw ne suma Mali fan bee fe, djenatige taabolo baara dakun na, ani yerejenajeko dakun na.

Tumani Yalam Sidibe

(A to be bokoo nata kono)

Jekabaara

Labolikuntigi Seben jekulu kintigui
Tumani Yalam Sidibe
Seben jekulu
Yusufu Fane
Bakari Sangare
Tumani Yalam Sidibe
Jlegew kebagu
Amadu Jakite
Nataliye dilanbagu
Modibo Sidibe
Jaw tabaga
Haruna Trawele
Labenbagaw oridinateri la
Madamu Jakite Worokiyatu So
Fatimata Cero
Madamu Ture Mama Jalo
Baarakelègoun
CMDTSNV - Ofisi Nizeri -
Ofisi iri- OHVN
Hake bëto : 16000
Batakisira : 2043
Nesjurusira : 20 29 62 89
Jamanaw baaranda - Seki zayedti tagelsira - Hamudolayi kin - Bamakositi -
Webu nimero
www.afribone.net.ml/jekabaara/